

Općinski sud Sarajevo Nedopustive prijetnje i ucjene iz Udruženja "Dom"

Općinski sud u Sarajevu najoštrije osuđuje kontinuirani pritisak Udruženja građana za zaštitu nosilaca stanarskih prava na nacionaliziranim privatnim stanovima *Dom* na rad ovog suda i njegovih uposlenika, što je preraslo u prijetnje i ucjene zaposlenim, saopćeno je iz Općinskog suda Sarajevo.

Ovakvim napadima pokušava se narušiti normalan rad suda, nepristrasnost u odlučivanju i nastoji se uticati na zakonito donošenje odluka. Udruženje *Dom* ne samo da narušava ugled suda putem medija, već šalje i otvorene prijetnje i ucjene u pisanoj formi uposlenicima Zemljišnoknjižnog sudskog odjeljenja ukoliko ne budu donesene odluke kojima će njihovim zahtjevima biti udovoljeno.

Općinski sud Sarajevo u saopćenju obavještava javnost da "nije zaustavljena uknjižba nacionaliziranih stanova, nego se ona vrši prema Zakonu o izmjenama i dopunama Zakona o prodaji stanova na kojima postoji stanarsko pravo, o čemu svjedoči i oko 150 žalbi koje su uložene na donesene odluke i koje su, prema zakonu, proslijeđene Kantonalnom sudu u Sarajevu. Također napominjemo da će Općinski sud u Sarajevu i dalje postupati prema Zakonu kao i do sada, te da nije bilo nikakve ni pisane niti usmene naredbe predsjednika Suda o zabrani uknjižbe nacionalizovanih stanova", navodi se u saopćenju.